



ლანჩხუთის მუნიციპალიტეტის საკრებულო



ოქმი:ო31.31213131

თარიღი:09/11/2021

ლანჩხუთის მუნიციპალიტეტის საკრებულოს რიგგარეშე სხდომის ოქმი N17

ქ. ლანჩხუთი

04. 11. 2021 წელი

საკრებულოს სხდომას ესწრებოდნენ: ლანჩხუთის მუნიციპალიტეტის საკრებულოს თავმჯდომარე ბესიკ ტაბიძე, მუნიციპალიტეტის საკრებულოს თავმჯდომარის მოადგილე ვლადიმერ ნანაძე, საკრებულოს სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარე გიორგი გვარჯალაძე, საკრებულოს იურიდიულ საკითხთა და ეთიკის კომისიის თავმჯდომარე ვერიკო კვიციანი, საკრებულოს საფინანსო-საბიუჯეტო კომისიის თავმჯდომარე ალექსანდრე მახათაძე, საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარე გიორგი ჩახვაძე, საკრებულოს წევრები (სარეგისტრაციო ფურცელი თან ერთვის), საკრებულოს აპარატის პირველი რანგის პირველადი სტრუქტურული ერთეულის ხელმძღვანელი (აპარატის უფროსი) ნინო ძიძიგური, საკრებულოს აპარატის მეორე რანგის მეორადი სტრუქტურული ერთეულის ხელმძღვანელი ნანა ბზევალავა, საკრებულოს თავმჯდომარის თანამემძლე გიორგი ხელაძე, საკრებულოს აპარატის მესამე რანგის პირველი კატეგორიის უფროსი სპეციალისტი მარიამ კუპრაძე, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში რუსუდან გვარჯალაძე.

მოწვეული სტუმრები: ლანჩხუთის მუნიციპალიტეტის მერი ალექსანდრე სარიშვილი, ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი როლანდ ლაშხია.

საკრებულოს თავმჯდომარემ ბესიკ ტაბიძემ აღნიშნა, რომ რიგგარეშე სხდომა მოწვეულ იქნა მუნიციპალიტეტის მერიის მოთხოვნის საფუძველზე. საკრებულოს თავმჯდომარემ ბესიკ ტაბიძემ სხდომას გააცნო დღის წესრიგი:

1. „ლანჩხუთის მუნიციპალიტეტის 2021 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2020 წლის 25 დეკემბრის N21 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი როლანდ ლაშხია/

2. ლანჩხუთის მუნიციპალიტეტის მერიის 2021 წლის 9 თვის მუშაობის ანგარიშის მოსმენის შესახებ.

/მომხსენებელი ალექსანდრე სარიშვილი/

დღის წესრიგის პირველი საკითხი: „ლანჩხუთის მუნიციპალიტეტის 2021 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2020 წლის

25 დეკემბრის N21 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსმა **როლანდ ლაშხიაშვილმა**. მან განმარტა, რომ ბიუჯეტის შესრულების ანალიზიდან გამომდინარე, რომ დღეის მდგომარეობით სარეზერვო ფონდი სრულად არის ათვისებული, ხოლო წლის დარჩენილი პერიოდისათვის მოსალოდნელია გარკვეული წინასწარ დაუგეგმავი საბიუჯეტო ხარჯების დაფინანსება. მისი თქმით, აღნიშნულიდან გამომდინარე მიზანშეწონილია დამატებით გაიზარდოს სარეზერვო ფონდი 15000 ლარით და შპს „ფეხბურთის კლუბ ლანჩხუთის გურიას“ წერილის განხილვის საფუძველზე სსიფ დავალიანების დაფარვის მიზნით დაფინანსება გაეზარდოს 50000 ლარით. აღნიშნული ხარჯების დაფინანსება უზრუნველყოფილი უნდა იყოს ჯარიმების, სანქციების და საურავების გვემის 65000 ლარით ზრდის ხარჯზე, ასევე შემოსულია ა(ა)იპ ლანჩხუთის მუნიციპალიტეტის სკოლამდელი საგანმანათლებლო-სააღმწერდელი ცენტრის დირექტორის ნატო კობალავას წერილი, რომელიც ითხოვს „საქონელი და მომსახურების“ მუხლიდან 40000 (ორმოციათასი) ლარის „არაფინანსური აქტივების ზრდის მუხლში“ გადატანას.

ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსმა **როლანდ ლაშხიაშვილმა** აღნიშნა, რომ ბიუჯეტში შესაბამისი ცვლილების ასახვის მიზნით უნდა დაიწყოს ადმინისტრაციული წარმოება და აღნიშნული საკითხი განიხილოს საკრებულოს კომისიებმა და ფრაქციებმა.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარემ ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა საკრებულოს 17 წევრი. მომხრე საკრებულოს 17 წევრი, წინააღმდეგი არცერთი. მიღებულ იქნა განკარგულება N50 (04.11.2021)

დღის წესრიგის მეორე საკითხი: ლანჩხუთის მუნიციპალიტეტის მერიის 2021 წლის 9 თვის მუშაობის ანგარიში საქართველოს ორგანული კანონის „ადგილობრივი თვითმმართველობის კოდექსის“ შესაბამისად სხდომას გააცნო ლანჩხუთის მუნიციპალიტეტის მერმა **ალექსანდრე სარიშვილმა**. მან სტრუქტურული ერთეულების მიხედვით მოკლედ მიმოიხილა გასულ წელს განხორციელებული მერიის საქმიანობა ყველა სფეროში.

სხდომას შემოუერთდა საკრებულოს წევრი **აკაკი იმნაიშვილი**.

მიმდინარე წლის 9 თვეში მუნიციპალიტეტის ბიუჯეტის შემოსულობებმა შეადგინა 14210927 ლარი, რაც წლიური დაზუსტებული გვემის (19862491 ლარი) 71,5%-ს შეადგენს, მათ შორის გრანტების სახით ჩამორიცხულია 4630359 ლარი წლიური პროგნოზით გათვალისწინებულის 60,5%-ი, აქედან საერთაშორისო ორგანიზაციებიდან გრანტი 50000 ლარი, მიზნობრივი ტრანსფერი დელეგირებული უფლებამოსილების განსახორციელებლად 395235 ლარი, საქართველოს რეგიონებში განსახორციელებელი პროექტების ფონდიდან ჩამორიცხულია 3353092 ლარი, წლიური პროგნოზის 59,8%-ი, სოფლის მხარდაჭერის პროგრამის განხორციელებისათვის 610408 ლარი წლიური პროგნოზის 81,6%-ი, განათლების (მოსწავლეთა ტრანსპორტირება) ღონისძიებისათვის 23618 ლარი. საანალიზო პერიოდში მუნიციპალიტეტის ბიუჯეტში შემოსავლები (კაპიტალურის ჩათვლით) მიღებულია 9580568 ლარი, წლიური პროგნოზის (12214959 ლარი) 78,4%-ი, მათ შორის; დამატებითი ღირებულების გადასახადი მობილიზებულია წლიური გვემის 74%-ი და შეადგენს 6077359 ლარს, საქართველოს საწარმოთა ქონების გადასახადის საკასო შესრულება 391612 ლარს, წლიური გვემის 130,5%-ი, უცხოურ საწარმოთა ქონების გადასახადის სახით ჩამორიცხულია 14802 ლარი, სასოფლო სამეურნეო დანიშნულების მიწის გადასახადის შემოსავალმა 78788 ლარი შეადგინა, (წლიური პროგნოზის 157,6%), არასასოფლო-სამეურნეო დანიშნულების მიწის გადასახადი მიღებულია 115390 ლარი (პროგნოზის 18%-ი). ბიუჯეტში სხვა შემოსავლების სახით მიღებულია 2722848 ლარი წლიური პროგნოზის (2685740 ლარი) 101,4%-ი, არაფინანსური აქტივების (გაყიდვების) კლებიდან მიღებულია შემოსავალი 347667 ლარი, წლიური პროგნოზის 109,3%-ი. მიმდინარე წლის 01 ოქტომბრამდე განვლილ პერიოდში გაწეულია 14257156 ლარის ხარჯი, მათ შორის; 3771531 ლარი

მიმართულია საბიუჯეტო დაფინანსების დაწესებულებებში შტატით დასაქმებულ პირთა შრომის ანაზღაურებაზე, რაც გაწეული საკასო ხარჯების 26,5%-ს შეადგენს, შტატგარეშე მუშაკთა შრომის ანაზღაურებაზე გახარჯულია 1614709 ლარი, გაწეული ხარჯების 11,3%-ი, ოფისის ხარჯებზე მიიმართა 526504 ლარი გაწეული ხარჯების 3,6%-ი, 9868 ლარი გაიხარჯა წარმომადგენლობით ღონისძიებებზე, სამედიცინო ხარჯი 12065 ლარი, 77346 ლარი გაიხარჯა კვებაზე (სკოლამდელი დაწესებულების პროდუქტის შეძენაზე) . საბიუჯეტო დაწესებულებების მიერ შეძენილი იქნა რბილი ინვენტარი 46793 ლარის, ტრანსპორტის ექსპლოატაციის ხარჯებმა 836385 ლარი შეადგინა, რაც გაწეული საკასო ხარჯების 5,9%-ია, სხვა საქონელი და მომსახურების ხარჯებზე მიიმართა 475795 ლარი, გაწეული ხარჯების 3,3%-ი. საანალიზო პერიოდში სარეზერვო ფონდიდან მერის ბრძანების საუძველზე გამოიყო 39842 ლარი, მათ შორის 136 პირზე გაიწა 32486 ლარი ერთჯერადი სოციალური დახმარების სახით, ხოლო 7356 ლარი მიმართულია შეჭირვებულ მრავალშვილიან ოჯახებისათვის კვების პროდუქტების შესაძენად. ბიუჯეტიდან სუფსიდირებით დაფინანსებამ 387217 ლარი შეადგინა, გაწეული ხარჯების 2,7%-ი, აქედან შპს „ლანჩუთი“-ს (მუნიციპალური საფეხბურთო სტადიონი) ფუნქციონირებისათვის მიიმართა 142000 ლარი, შპს „ქალთა საფეხბურთო კლუბის ლანჩუთი ლანჩუთი“ს დაფინანსებამ 115269 ლარი შეადგინა, კულტურის ღონისძიებების დაფინანსება 3600 ლარი, რელიგიური ღონისძიებების დაფინანსებაზე მიიმართა 40000 ლარი, სხვადასხვა სოციალურ ღონისძიებების დაფინანსებაზე (სუბსიდირებით) მიიმართა 57617 ლარი, ფეხბურთის განვითარების ხელშეწყობაზე მიიმართა 25000 ლარი, სოციალური უზრუნველყოფის ღონისძიებების საკასო ხარჯი 361754 ლარს შეადგენს, გაწეული ხარჯების 2,5%-ი, სხვა ხარჯების მუხლით დაფინანსება 245852 ლარია გაწეული ხარჯების 1,7%-ი. საანალიზო პერიოდში დაიფარა ადებულო სესხის ძირითადი 29004 ლარი და დარიცხული პროცენტი 14517 ლარი სულ 43521 ლარი (სპეც მანქანისა და ნაგვის ურნების შეძენაზე) სსიპ „საქართველოს მუნიციპალური განვითარების ფონდსა“ და ლანჩუთის მუნიციპალიტეტს შორის გაფორმებული „მყარი ნარჩენების მართვის პროექტის“ ქონების გადაცემის ხელშეკრულების ფარგლებში. არაფინანსური აქტივების ზრდის მუხლით გაიხარჯა 5787043 ლარი, გაწეული საკასო ხარჯების 40,6%-ი, აქედან საზოგადოებრივი სივრცეების მოწყობა რეაბილიტაციაზე მიიმართა 54354 ლარი, საპროექტო დოკუმენტაციისა და საექსპერტო მომსახურების შესყიდვა 280335 ლარი, ნაპირსამაგრი ნაგებობების მოწყობა რეაბილიტაციაზე მიიმართა 599563 ლარი, სოფლის პროგრამის დაფინანსებაზე მიიმართა 599563 ლარი, გზების სარეაბილიტაციო სამუშაოებზე მიმართულია 4426835 ლარი, არაფინანსური აქტივების ზრდის მუხლით გაწეული საკასო ხარჯის 76,5%-ი. საჯარო სკოლების მოსწავლეთა ტრანსპორტირების მომსახურებაზე გაიხარჯა 287955 ლარი. ა(ა)იპ „ეკონომიკური განვითარებისა და ინოვაციების ცენტრის“ დაფინანსებაზე მიიმართა 127661 ლარი, მათშორის; შტატით მომუშავეთა პერსონალის შრომის ანაზღაურებაზე 94149 ლარი გაწეული საკასო ხარჯის 73,7%-ი, შტატგარეშე მუშაკთა ანაზღაურებაზე 26860 ლარი , (21,2%), ა(ა)იპ „სკოლამდელი საგანმანათლებლო სააღმზრდელო ცენტრის“ ფუნქციონირებაზე მიიმართა 1688848 ლარი, აქედან შრომის ანაზღაურებაზე 11270815 ლარი ფაქტიური საკასო ხარჯის 75,2%-ი, შტატგარეშე მუშაკთა შრომის ანაზღაურებაზე 114972 ლარი (16,8%), არაფინანსური აქტივების ზრდაზე მიიმართა 54586 ლარი. ა(ა)იპ „საფეხბურთო სკოლის“ ფუნქციონირებაზე გაიხარჯა 209027 ლარი, მათშორის შრომის ანაზღაურებაზე 29700 ლარი, საჯასო ხარჯის 14,2%-ი, შტატგარეშე მუშაკთა შრომის ანაზღაურებაზე 151546 ლარი ფაქტიური საკასო ხარჯის 72,5%-ი. ა(ა)იპ „კულტურის დაწესებულებათა გაერთიანების“ ფუნქციონირებისათვის მიიმართა 675730 ლარი, მათშორის შრომის ანაზღაურებაზე 262162 ლარი, საკასო ხარჯის 38,8%-ი, შტატგარეშე მუშაკთა შრომის ანაზღაურებაზე 260600 ლარი საკასო ხარჯის 38,6%-ი, არაფინანსური აქტივების ზრდაზე მიიმართა 34048 ლარი. ა(ა)იპ „სახელოვნებო სკოლათა გაერთიანების“ ხელშეწყობაზე მიიმართა 238600 ლარი, მათშორის; შრომის ანაზღაურებაზე 216650 ლარი საკასო ხარჯის 90,8%-ი, შტატგარეშე მუშაკთა შრომის ანაზღაურებაზე 20265 ლარი, საკასო ხარჯის 8,5%-ი. ა(ა)იპ „საზოგადოებრივი ჯანდაცვის ცენტრი“ ფუნქციონირებაზე მიიმართა 113408 ლარი, მათშორის შრომის ანაზღაურებაზე 73341 ლარი საკასო ხარჯის 64,7%-ი, შტატგარეშე მუშაკთა შრომის ანაზღაურებაზე 20338 ლარი საკასო ხარჯის 17,9%-ი. ა(ა)იპ „კეთილმოწყობისა და მომსახურების ცენტრის“ დაფინანსებაზე მიიმართა 1405480 ლარი, მათშორის შრომის ანაზღაურებაზე 255255 ლარი საკასო ხარჯის 18,2%-ი, შტატგარეშე მუშაკთა შრომის ანაზღაურებაზე 661367 ლარი საკასო ხარჯის 47,1%-ი, ტრანსპორტის მომსახურების ხარჯმა 269546 ლარი შეადგინა. საანალიზო პერიოდში დასუფთავების ღონისძიებაზე მიმართულია 976974 ლარი სერვის ცენტრის მიერ გაწეული ხარჯების 69,5%-ი, გარე განათების ღონისძიებებზე 133225 ლარი ხარჯების 9,5%-ი, გამწვანების ღონისძიებებზე 117672 ლარი ხარჯების 8,4 %-ი, სასაფლაოს მოვლით ღონისძიებებზე 82598 ლარი ხარჯების 5,9%-ი, სოფლად წყალსადენი სისტემის მოვლით ღონისძიებებზე 65041 ლარი ხარჯების 4,6%-ი. 5. ქალაქ ლანჩუთში მრავალბინიანი სახლების სახურავის რეაბილიტაცია - 84 196 ლარი. სამუშაოები დასრულებულია. 6. ნიგვზიანის

ადმინისტრაციულ ერთეულში შიდა სასოფლო გზების რეაბილიტაცია - 508 579 - ლარი, სამუშაოები მიმდინარეობს. 7. ლანჩხუთის მუნიციპალიტეტის ადმინისტრაციულ ერთეულებში შიდა სასოფლო გზების რეაბილიტაცია - 2 210 527- ლარი, სამუშაოები მიმდინარეობს. სტიქიის შედეგების სალიკვიდაციო ღონისძიებების თაობაზე 2021 წელს ლანჩხუთის მუნიციპალიტეტს გამოეყო 624 642 ლარი, აღნიშნული სამუშაოები დაკონტრაქტებული არის 3 ხელშეკრულებად, საიდანაც ორი ხელშეკრულება გაფორმებული არის სტიქიის შედეგად დაზიანებული გზის სარეაბილიტაციო სამუშაოებზე, ხოლო ერთი სტიქიის შედეგად დაზიანებული მოსახლეობისათვის სახლის სახურავის მასალის შესაძენად: საჯარო სკოლების მცირე სარეაბილიტაციო სამუშაოების დელეგირებული უფლებამოსილების განხორციელების მიზნით ლანჩხუთის მუნიციპალიტეტს 2021 წელს გამოეყო 208 055 ლარი: 1. ლანჩხუთის მუნიციპალიტეტის სოფ. წყალწმინდის საჯარო სკოლის ეზოში განვითარებული მეწყერის გამაგრებითი სამუშაოები, - 70 000 ლარი, სამუშაოები დასრულებულია. 2. ლანჩხუთის მუნიციპალიტეტის სოფელ ჯიხანჯირის სკოლის ეზოში ჭაბურღილის მოწყობა - 136 173 ლარი, მიმდინარეობს სამუშაოები. საჯარო სკოლებში მოსწავლეთა ტრანსპორტით უზრუნველყოფის დელეგირებული უფლებამოსილების განხორციელების მიზნით ლანჩხუთის მუნიციპალიტეტს 2021 წელს გამოეყო 375 175 ლარი: აქედან 215 823 ლარზე დაკონტრაქტებულია ხელშეკრულება კონსოლიდირებული ტენდერის ფარგლებში, ხოლო 159 352 ლარზე, გამარტივებული შესყიდვით, გადაუდებელი აუცილებლობიდან გამომდინარე. საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში 2021 წელს ლანჩხუთის მუნიციპალიტეტს გამოეყო 748 000 ლარი, სამუშაოები დაკონტრაქტებული არის 56 ხელშეკრულებად, საიდანაც 3 ხელშეკრულების ფარგლებში მიმდინარეობს სამუშაოები, 51 ხელშეკრულება დასრულებულია, ხოლო 2 ხელშეკრულება შეწყვეტილია შემსრულებლის მიერ გეგმა გრაფიკის დარღვევის გამო. გამოყოფილი თანხის 72 % ათვისებულია. 2021 წელს პროფესიული სასწავლო გეგმის შესაბამისად საბაზისო პროგრამებში განხორციელდა პროფესიულ საჯარო მოხელეთა გადამზადება. 2021 წელს განყოფილების მიერ მომზადდა და გაფორმდა 56 არარეგისტრირებული ხელშეკრულება. მაგთიკომის ქსელში ჩართო და განხორციელდა მომსახურება საკრებულოსა და მერიის საჯარო მოხელეებისათვის. 2021 წელს მომზადდა წერილები, მიმდინარე ბრძანებები, დამუშავდა სტატისტიკური მონაცემები.

ლანჩხუთის მუნიციპალიტეტის მერიის სივრცითი მოწყობისა და ინფრასტრუქტურის სამსახურის სივრცითი მოწყობის განყოფილების მიერ 2021 წლის 9 თვის განმავლობაში გაცემულია მშენებლობის 33 ნებართვა, შეთანხმდა 34 პროექტი, ამავე განყოფილებიდან ლანჩხუთის მუნიციპალიტეტის ბიუჯეტში მოსაკრებლის სახით შემოვიდა 10332.5 ლარი. სივრცითი მოწყობის განყოფილება საქართველოს სივრცითი განვითარების, არქიტექტურული და სამშენებლო საქმიანობის კოდექსის შესაბამისად ჩართულია გრიგოლეთისა და ყვავილნარის სანაპირო ზოლის განაშენიანების გეგმის შემუშავების პროცესში, უზრუნველყოფს კომპეტენციის ფარგლებში დამგეგმარებელი კომპანიისთვის საჭირო ინფორმაციის მიწოდებას და ყველა დაინტერესებული მხარის დაგეგმარების პროცესში ჩართულობას. ლანჩხუთის მუნიციპალიტეტის მერიის სივრცითი მოწყობისა და ინფრასტრუქტურის სამსახური ასევე აწარმოებს მოსახლეობიდან შემოსული თხოვნა-განცხადებების აღრიცხვას, კონტროლსა და მათზე რეაგირების საქმეს. საქართველოს მთავრობის განკარგულებით „საქართველოს რეგიონებში განხორციელებული ფონდიდან“ ლანჩხუთის მუნიციპალიტეტმა განახორციელა შემდეგი ინფრასტრუქტურული პროექტები:

1. ქ. ლანჩხუთში საფეხმავლო ბილიკების, გარე განათების და მიმდებარე ტერიტორიაზე მრავალბინიანი შენობების ფასადების რეაბილიტაცია 907 901 1549926 2. ყვავილნარში შიდა გზის რეაბილიტაცია 334568 334568
3. ჯიხეთის დედათა მონასტრის ტერიტორიის ელექტროფიცირების სამუშაოები 30000 327000
4. ქ. ლანჩხუთში მრავალბინიანი სახლების სახურავების რეაბილიტაცია 84 196 84 196 5. ლანჩხუთის მუნიციპალიტეტის ადმინისტრაციულ ერთეულებში შიდა სასოფლო გზების რეაბილიტაცია 428443 1498999
6. ლანჩხუთის მუნიციპალიტეტის ადმინისტრაციულ ერთეულებში შიდა სასოფლო გზების რეაბილიტაცია 2042054 2210527
7. ღრმაღელე-ორმეთი-ომფარეთის გზის რეაბილიტაცია 1669997 1869997

8. ნიგვზიანის ადმინისტრაციულ ერთეულში შიდა სასოფლო გზების რეაბილიტაცია 454999 454999

სოფლის მხარდამჭერი პროგრამის ფარგლებში ლანჩხუთის მუნიციპალიტეტს გამოეყო 748 000 ლარი. პროგრამის ფარგლებში 15 ადმინისტრაციული ერთეულის 55 სოფელში განხორციელდა და მიმდინარეობს სხვადასხვა სახის პროექტი: გარე განათება, შიდა გზების მოწესრიგება, სოფლის გზისპირა მოსაცდელი, სველი წერტილის მოწყობა, წყალმომარაგების ქსელის მოწყობა, სკვერის მოწყობა და ა.შ. ეტაპობრივად მიმდინარეობს სოფლებთან დამაკავშირებელი გზების მოვლა-შენახვის სამუშაოები, რათა გადაადგილება შესაძლებელი იყოს ყველა სახის სატრანსპორტო საშუალებისათვის. 2021 წელს სასკოლო ინფრასტრუქტურის განვითარების ფონდიდან დაფინანსდა და განხორციელდა:

1. ლანჩხუთის მუნიციპალიტეტის სოფ. წყალწმინდის საჯარო სკოლის ეზოში განვითარებული მეწყერის გამაგრებითი სამუშაოები 70000
2. სოფ. ახალსოფლის სკოლის ეზოში ჭაბურღილის მოწყობა 126633 2021 წელს.

საავტომობილო გზების დეპარტამენტის მიერ, მუნიციპალიტეტში დაფინანსდა რამდენიმე მნიშვნელოვანი პროექტი:

1. მიმდინარეობს ავტომანქანების ხაჯალია-ხიდმღალას მონაკვეთის რეაბილიტაცია.
2. რეაბილიტაცია ჩაუტარდა დავით აღმაშენებლის ქუჩას (ქ. ლანჩხუთის და ავტობანის დამაკავშირებელი გზა).
3. რეაბილიტაცია ჩაუტარდა სამტრედია-ლანჩხუთი-გრიგოლეთის საერთაშორისო მნიშვნელობის გზატკეცილის, ლესა-ჯურუყვეთის მონაკვეთს, დაიწყო ჯაპანა-ნიგოთის მონაკვეთის რეაბილიტაცია.

სტიქიის სალიკვიდაციო ღონისძიებების ფარგლებში სტიქიური მოვლენების სალიკვიდაციოდ განხორციელდა სხვადასხვა პროექტები:

1. ჩოჩხათის ადმინისტრაციულ ერთეულის სოფ. გულიანში სტიქიის შედეგად 139999 მიმდინარე დაზიანებული გზის რეაბილიტაციის სამუშაოები
2. ნიგვზიანის ადმინისტრაციულ ერთეულში სტიქიის შედეგად დაზიანებული გზის რეაბილიტაციის სამუშაოები 264 829. 89 დასრულებულია
3. აკეთის ადმინისტრაციულ ერთეულში სტიქიის შედეგად დაზიანებული გზის რეაბილიტაციის სამუშაოები 100799 მიმდინარე
4. ჩიბათის, ჯურუყვეთის და ნინოშვილის ადმინისტრაციულ ერთეულებში სტიქიის შედეგად დაზიანებულ გზის რეაბილიტაციის სამუშაოები 164332 დასრულებული
5. სოფ. ლესაში სტიქიის შედეგად დაზიანებული სანადის სახლის რეაბილიტაცია 40305 დასრულებული
6. სოფ. აცანში სტიქიის შედეგად დაზიანებული სახლის რეაბილიტაცია 22994 დასრულებული

2021 წელს ადგილობრივი ბიუჯეტიდან გამოიყო თანხა სხვადასხვა ინფრასტრუქტურული სამუშაოების განსახორციელებლად;

1. ლესის და აცანის ადმინისტრაციულ ერთეულებში ადმინისტრაციული შენობების შემოღობვის სამუშაოები 62460
2. მამათის და ლესის ადმინისტრაციულ ერთეულებში წყალმომარაგების ქსელის რეაბილიტაციის სამუშაოები 36725
3. ქ. ლანჩხუთში ებრალიძის ქუჩაზე საცხოვრებელი ბინის სადარბაზოს რეაბილიტაცია 3950
4. ლანჩხუთის მუნიციპალიტეტის შენობაში ოთახების რეაბილიტაცია 54554
5. მერიის მიმდებარე ტერიტორიაზე ასფალტო ბეტონის საფარის მოწყობა 170000

6. ჩხაიძის ქუჩაზე სტადიონის რეაბილიტაცია 22408

7. შუხუთის ადმინისტრაციულ ერთეულში წყალმომარაგების სისტემის რეაბილიტაცია 23883

8. ლანჩხუთის მუნიციპალიტეტის ყოფილი რედაქციის შენობაში ოთახების რეაბილიტაცია 14912

9. გვიმბალაურის, ნიგოთის, ქალაქის, ღრმაღელის და შუხუთის ადმინისტრაციულ ერთეულებში სკვერების რებილიტაცია 80776

10. ქ. ლანჩხუთში კვირკველიას ქ. მდ. კალაპოტის სანიაღვრე არხების მოწყობა 25899

2021 წელს მოსახლეობიდან მიღებულია და განხილულია 400 განცხადება, რომელიც ეხება: საცხოვრებელ სახლებს, შიდა სასოფლო გზებს, ნაპირსამაგრებს, სანიაღვრე არხებს, ხიდებს და წყალმომარაგებას.

ლანჩხუთის მუნიციპალიტეტის მერიის, განათლების, კულტურის, სპორტისა და ახალგაზრდულ საქმეთა სამსახურის მიერ 9 თვის განმავლობაში განხორციელდა ლანჩხუთის მუნიციპალიტეტის საკრებულოს 2021 წლის ბიუჯეტით განსაზღვრული ხუთი პროგრამის, თხუთმეტი ქვეპროგრამის, მერიის დებულებითა და სამსახურის დებულებით განსაზღვრული ვალდებულებების შესრულება. განათლების ხელშეწყობის პროგრამიდან 9 თვის განმავლობაში განხორციელდა შემდეგი საქმიანობა: ინტელექტუალური და შემეცნებითი პროექტების თანადაფინანსების ქვეპროგრამიდან თანადაფინანსებამ შეადგინა 1005.7 ლარი. საქართველოს ეროვნულ-ინტელექტუალური ჩემპიონატი-„ეტალონის“ დისტანციური კონკურსის ფარგლებში გამოვლენილი იქნა „ლანჩხუთის მუნიციპალიტეტის ეტალონი მოსწავლე“, რომლის თანადაფინანსების თანხამ შეადგინა - 2960 ლარი. ლანჩხუთის მუნიციპალიტეტის 2021 წლის, საჯარო სკოლების წარჩინებული ოქროსა და ვერცხლის 32 მედალოსანი მოსწავლე, წახალისდა ერთჯერადი ფულადი ჯილდოთი. ოქროს მედალოსანი მოსწავლეები - 500 ლარის, ხოლო ვერცხლის მედალოსნები - 300 ლარის ოდენობით. წახალისების თანხამ შეადგინა 15500 ლარი. 2021 წლის ერთიან ეროვნულ გამოცდებზე 100%-იანი სახელმწიფო-სასწავლო გრანტის მიწოდებით გახდნენ, ლანჩხუთის მუნიციპალიტეტში მცხოვრები- თეა იმნაძე და ლიზი თურქია. მათ წახალისების მიზნით გადაეცათ ერთჯერადი ფულადი ჯილდო, თითოეულს 1000 ლარის ოდენობით. ჯილდოს ოდენობამ სულ შეადგინა 2000 ლარი. ლანჩხუთის მუნიციპალიტეტის ახალგაზრდების ფორუმში მონაწილეობის მიზნით უზრუნველყოფილ იქნა მათი ტრანსპორტირება ქ. ოზურგეთში. ტრანსპორტირების ღირებულებამ შეადგინა 153. 75 ლარი. სულ პროგრამის ბიუჯეტი 28000 ლარი დახარჯულია: 22 651.45 ლარი დარჩენილია: 5 348.55 ლარი.

მიმდინარე წელს, საჯარო სკოლების მოსწავლეთა ტრანსპორტით უზრუნველყოფის პროგრამის ფარგლებში განხორციელდა ლანჩხუთის მუნიციპალიტეტის 24 საჯარო სკოლის, 1900-მდე მოსწავლის ტრანსპორტირებით დახმარება. პროგრამისათვის გამოყოფილი თანხა შეადგენდა 292 179, 68 ლარი დახარჯულია: 230 534, 82 ლარი დარჩენილია: 61 644, 86 ლარი.

კულტურის ღონისძიებების პროექტების თანადაფინანსების პროგრამით გამოყოფილი იყო ბიუჯეტი 24000 ლარი. აქედან დახარჯულია: 15 173.5 ლარი დარჩენილია: 8 826.5 ლარი.

სპორტის ხელშეწყობის პროგრამით დაჯილდოვდნენ წარმატებული ახალგაზრდები, ვეტერანი ღვაწლმოსილი სპორტსმენები და მწვრთნელები. ქვეპროგრამის ბიუჯეტი სულ: 10000 ლარი. დაიხარჯა- 5900 დარჩენილია- 4100 ლარი. მუნიციპალური ტურნირების ორგანიზების ქვეპროგრამიდან ტენდერის ფარგლებში შეძენილი იქნა და სამსახურს მიეწოდა 6768 ლარის ღირებულების სპორტული საქონელი: 1.ბურთები: ფეხბურთის, კალათბურთის, ფრენბურთის, ხელბურთის; 2. ბადეები: ფრენბურთის, კალათბურთის, ფეხბურთის; 3.ჭადრაკის დაფები; სპორტული საქონელი გადაეცათ (ქალაქი, შუხუთი, ნიგოთი, ნიგვზიანი, მანხვარეთი, სუფსა, ჩოჩხათინ და სხვა) ლანჩხუთის მუნიციპალიტეტის ადმინისტრაციული ერთეულების წარმომადგენლებს, სპორტულ ღონისძიებებსა და აქტივობებში ადგილობრივი მოსახლეობის ჩასართავად. ქვეპროგრამის ბიუჯეტი სულ: 9500 ლარი დაიხარჯა-8568 ლარი დარჩენილია-932 ლარი.

ტრანსპორტირებით მხარდაჭერის ქვეპროგრამაზე თანხა 4000 (ოთხიათასი) ლარი. სულ სპორტის ხელშეწყობის პროგრამის ბიუჯეტი განსაზღვრული იყო: 33500 ლარით აქედან დახარჯულია 17514,50 ლარი, დარჩენილია 15985,50 ლარი.

ახალგაზრდობის ხელშეწყობის ქვეპროგრამის ბიუჯეტი სულ - 9000 ლარი დაიხარჯა -1495 ლარი დარჩენილია -7505 ლარი.

შშმ პირების საზოგადოებაში ინტეგრაციის ხელშეწყობის ქვეპროგრამის ბიუჯეტი -3000 ლარი დაიხარჯა 1230 ლარი დარჩენილია 1770 ლარი. სულ ახალგაზრდობის ხელშეწყობის პროგრამის ბიუჯეტი განსაზღვრული იყო -12000 ლარით აქედან გახარჯულია 2725 ლარი, დარჩენილია 9275 ლარი ლანჩხუთის მუნიციპალიტეტის განათლების, კულტურის, სპორტისა და ახალგაზრდულ საქმეთა სამსახურის 2021 წლის ბიუჯეტი განსაზღვრული იყო- 97500 ლარით აქედან გახარჯულია 58064,45 ლარი, დარჩენილია 39435,55 ლარი. დელეგირებული უფლებამოსილების ფარგლებში საჯარო სკოლების მოსწავლეთა ტრანსპორტირების თანხა სულ განსაზღვრული იყო 292179,68 ლარით გახარჯულია 230534,82 ლარი დარჩენილია 61644,86 ლარი.

ლანჩხუთის მუნიციპალიტეტის მერიის სოციალური და ჯანდაცვის სამსახურის მიერ 2021 წელის 9 თვეში განხორციელდა შემდეგი სოციალური პროგრამები:

1. მზრუნველობამოკლებულთა უფასო კვებით უზრუნველყოფის პროგრამა. პროგრამის ბიუჯეტი განისაზღვრა 115 000 ლარით. პროგრამით დღეის მდგომარეობით სარგებლობს 102 ბენეფიციარი პროგრამიდან გახარჯულია 65256 ლარი. პროგრამა გათვლილია 115 ბენეფიციარზე. პროგრამით განხორციელდა ბენეფიციარის კვებით უზრუნველყოფა.

2. მრავალშვილიანი ოჯახების დახმარების პროგრამა. პროგრამის ბიუჯეტი განისაზღვრა 42 000 ლარით. პროგრამით სარგებლობდა ის ოჯახები რომელსაც ყავთ 4 და მეტი 18 წლამდე ასაკის შვილი და რომელთა ოჯახები არ არიან სოციალური შემწეობის მიმღები. პროგრამით სარგებლობს 28 ოჯახი. პროგრამიდან გახარჯულია 29680 ლარი.

3. მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა. პროგრამის ბიუჯეტი განისაზღვრა 67000 ლარით. პროგრამის ფარგლებში ბენეფიციარებზე ვათვალისწინებულია ბინის ქირის გადახდა. პროგრამით სარგებლობს 55 ოჯახი, მათ შორის ერთი ძალადობის მსხვერპლი ქალი. პროგრამიდან გახარჯულია 37900 ლარი.

4. ომის მონაწილე ვეტერანებისა და მათი ოჯახების დახმარების პროგრამა. პროგრამის ბიუჯეტი განისაზღვრა 56600 ლარით. პროგრამით სარგებლობს 84 ბენეფიციარი. პროგრამიდან დაფინანსდა საქართველოს ტერიტორიული მთლიანობისათვის ომის შემდგომ გარდაცვლილი ვეტერანების ოჯახები, საქართველოს ტერიტორიული მთლიანობისათვის ომში მონაწილე, სხვა სახელმწიფოთა ტერიტორიაზე ვეტერანთა შეჭირვებული ოჯახები სულ (67 ბენეფიციარი), რომელთა ოჯახების სოციალური სარეიტინგო ქულა არ აღემატებოდა 130 000-ს ყოველთვიურად გაეწია 50 ლარით დახმარება, მათ შორის პირველი და მეორე ჯგუფის შშმ ვეტერანებისათვის ყოველთვიურად გაიცა 100 ლარით დახმარება (ორი შშმ ვეტერანი). ასევე საქართველოს ტერიტორიული მთლიანობისათვის ბრძოლაში დაღუპული მეომრების ოჯახებზე გაიცა ყოველთვიურად 50 ლარით დახმარება. მეორე მსოფლიო ომის ვეტერანებისათვის ყოველთვიურად 50 ლარით დახმარება (2 ვეტერანი). ამავე პროგრამიდან განხორციელდა დედის დღესთან 3 მარტთან დაკავშირებით დაღუპული მეომრების დედების ერთჯერადად 200 ლარით დასაჩუქრება. (14 დედა); მე-2 მსოფლიო ომის მონაწილეთა ერთჯერადი დახმარება 9 მაისთან დაკავშირებით (2 ვეტერანი) ვეტერანებზე ერთჯერადად გაიცა დახმარება 500 ლარის ოდენობით. 8 აგვისტოს და ოსეთის კონფლიქტების დროს დაღუპული მეომრების ოჯახებს საჩუქრად გადაეცა 300 ლარი. 27 სექტემბერს სოხუმის დაცემის დღესთან დაკავშირებით 11 ოჯახზე გაიცა დახმარება 300 ლარის ოდენობით. ომის მონაწილეთა ოჯახებზე გაიცა სარიტუალო თანხა 250 ლარის ოდენობით (3 ვეტერანის ოჯახზე). პროგრამიდან გახარჯულია 40846 ლარი. პროგრამით განხორციელდა 80 ოჯახის დახმარება.

5. სოფლებიდან მოსწავლეთა ტრანსპორტირების პროგრამა. პროგრამის ბიუჯეტი განისაზღვრა 14 560 ლარით. პროგრამით სარგებლობს ერთი სკოლა იოანე ნათლისმცემლის სახელობის სახელიერო გიმნაზია(44 მოსწავლე). პროგრამიდან გახარჯულია 8320 ლარი.

6. ცენტრ „იავნანას“ თანადაფინანსების პროგრამა; პროგრამის ბიუჯეტი განისაზღვრა 13000 ლარით. პროგრამის მიზანია ლანჩხუთის მუნიციპალიტეტში მცხოვრები ცენტრ იავნანაში დარეგისტრირებული, სოციალურად დაუცველი 24 ბავშვის ფსოქო-სოციალური რეაბილიტაციის ხელშეწყობა. პროგრამა ნაწილობრივ ფინანსდება სახელმწიფო ბიუჯეტიდან. პროგრამიდან გახარჯულია 9747 ლარი.

7. ბიკარბონატული ჰემოდიალიზით-თირკმლის ქრონიკული უკმარისობით დაავადებულთა

სამედიცინო დაწესებულებაში ტრანსპორტირების პროგრამა. პროგრამის ბიუჯეტი განისაზღვრა 38800 ლარით. პროგრამით მიმდინარე წელს ისარგებლა 20 ბენეფიციარმა. პროგრამიდან გახარჯულია 21744 ლარი.

8. იძულებით გადაადგილებულ პირთა დახმარების პროგრამა. პროგრამის ბიუჯეტი განისაზღვრა 15300 ლარით. ოჯახები რომლებიც რეგისტრირებული არიან ლანჩხუთის მუნიციპალიტეტში ერთჯერადად საშემე მერქნის შესაძენად მიიღებენ ფინანსურ დახმარებას. ლანჩხუთის მუნიციპალიტეტში რეგისტრირებულია 61 ოჯახი. დახმარება გაცემულია 33 ოჯახზე. პროგრამიდან გახარჯულია 8250 ლარი.

9. სამკურნალო და სოპერაციო ხარჯებით დახმარების პროგრამა. პროგრამის ბიუჯეტი განისაზღვრა 92000 ლარით. ლანჩხუთის მუნიციპალიტეტში რეგისტრირებულ ბენეფიციარებს, რომელთაც ესაჭიროება ოპერაციული ჩარევა ასევე ქიმიოთერაპიის კურსის დაფინანსება და კორონალური სტენტირება და სხვა. სადაზღვევოს მიერ არ უნაზღაურდება, ან მკურნალობის თანხა უნაზღაურდება ნაწილობრივ, სამედიცინო დაწესებულების ანგარიშზე ჩაერიცხება წარმოდგენილი ღირებულების 50%, მაგრამ არაუმეტეს 1000 (ათასი) ლარისა. პროგრამით ისარგებლებენ 0-დან 150 000-ი სარეიტინგო ქულის მქონე ბენეფიციარები. მუნიციპალიტეტის მიერ ასევე განხორციელდება კვლევების დაფინანსება მაგნიტო-რეზონანსული ტომოგრაფიების და კომპიუტერული ტომოგრაფიების თანადაფინანსება- 50%. სამედიცინო დაწესებულების ანგარიშზე ჩაერიცხება წარმოდგენილი ღირებულების 50%, კვლევებით ისარგებლებენ 0-დან 130 000-ი სარეიტინგო ქულის მქონე ბენეფიციარები. ასევე ისეთ განსაკუთრებულ შემთხვევებში, როგორცაა სასწრაფო (გადაუდებელი) სამედიცინო ოპერაციების, სასწრაფო (გადაუდებელი) ქიმიოთერაპიის თანადაფინანსება, საწრაფო - გადაუდებელი მაგნიტო-რეზონანსული ტომოგრაფიების და კომპიუტერული ტომოგრაფიების უნაღდო ანგარიშსწორებით (ინვოლისით წარმოდგენილი ასანაზღაურებელი თანხა არაუმეტეს 400 ლარისა) პროგრამით ისარგებლა 347 ბენეფიციარმა. პროგრამიდან გახარჯულია 49328 ლარი. მუნიციპალიტეტის მიერ ვალდებულება აღებულია 15477 ლარზე.

10. ერთჯერადი სოციალური (ფულადი) დახმარების პროგრამა. პროგრამის ბიუჯეტი განისაზღვრა - 22000 ლარით, პროგრამის მიზანია ლანჩხუთის მუნიციპალიტეტის ტერიტორიზე რეგისტრირებული მარტოხელა შეჭირვებული მოხუცების და მარტოხელა მშობლის სტატუსის მქონე პირებს, რომელთა ოჯახების სარეიტინგო ქულა არ აღემატება 65 000 საშემე მერქნის შესაძენად გაეწევათ ფულადი დახმარება 150 ლარის ოდენობით; ასევე სადღესასწაულო და ღირშესანიშნავ დღეებთან დაკავშირებით გათვალისწინებულია საკვები პროდუქტებისა და ტკბილეულის შეძენა, სოციალურად დაუცველი უმწეო ოჯახებისათვის; მე-2 მსოფლიო ომის ვეტერანებისათვის და 100(ასი) და მეტი წლის ასაკის ხანდაზმულებისათვის. პროგრამით ისარგებლა 214 ბენეფიციარმა. სადღესასწაულო და ღირშესანიშნავ დღეებთან დაკავშირებით საკვები პროდუქტები და ტკბილეული გადაეცა, აღდგომის ბრწყინვალე დღესასწაულთან დაკავშირებით სოციალურად დაუცველ უმწეო ოჯახებს - კერძოდ: უფასო სასადილოს ბენეფიციარებს 100 ბენეფიციარი; ასევე ამ დღესასწაულებთან დაკავშირებით 30 მრავალშვილიან სოციალურად დაუცველ ოჯახებს და შეჭირვებულ 30 ოჯახს რომელთაც ყავთ შშმ ბავშვი გადაეცათ საკვები პროდუქტები და ტკბილეული ბავშვებისათვის. მე-2 მსოფლიო ომის ვეტერანებს 2 ვეტერანი 9 მაისს ფაშიზმზე გამარჯვების დღესასწაულთან დაკავშირებით და საახალწლო გადაეცათ ტკბილეული. 100(ასი) და მეტი წლის ასაკის ხანდაზმულებს -2 ხანდაზმულს თავიანთ დაბადების დღეზე გადაეცათ ტკბილეული. საშემე მერქნის შესაძენად ფულადი დახმარება გაიცა 50 ბენეფიციარზე. პროგრამიდან 48405 -39842 გახარჯულია 11000 ლარი.

11. მძიმე საცხოვრებელ პირობებში უბედური შემთხვევისა და სტიქიური მოვლენების შედეგად დაზარალებული ოჯახების ერთჯერადი დახმარების პროგრამა. პროგრამის ბიუჯეტი განისაზღვრა 25 000 ლარით. პროგრამის ფარგლებში შერჩეულ ბენეფიციარს დახმარება გაეწია ავარიულ მდგომარეობაში არსებული და სტიქიით დაზიანებული საცხოვრებელი სახლის მოწესრიგებაში. პროგრამით ისარგებლა 13 ბენეფიციარმა. პროგრამიდან გახარჯულია 15100 ლარი.

12. უპატრონო მიცვალებულთა სარიტუალო მომსახურების პროგრამა. პროგრამის ბიუჯეტი განისაზღვრა 2500 ლარით. პროგრამით განხორციელდა 8 უპატრონო მიცვალებულის სარიტუალო მომსახურება. პროგრამიდან გახარჯულია 2000 ლარი. 13. ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის. პროგრამის ბიუჯეტი განისაზღვრა 42 200 ლარით. პროგრამით ისარგებლა კლუბის წევრმა 30 ბენეფიციარმა. პროგრამიდან გახარჯულია 31500 ლარი. პროგრამის განხორციელებით მიღწეულ იქნა პროგრამის მიზანი. პროგრამით განხორციელებით ხელი შეეწყო ძუძუს კიბოს დიაგნოზით ნაოპერაციები ქალების -28 ქალის რეაბილიტაცია და მხარდაჭერას,

ქალბატონების ჯანმრთელობის მდგომარეობის გაუმჯობესებას.

14. ხანდაზმულ (100 და მეტი წლის ასაკის) პირთა დახმარების პროგრამა. პროგრამის ბიუჯეტი განისაზღვრა 3000 ლარით. პროგრამის მიზანია ლანჩხუთის მუნიციპალიტეტში რეგისტრირებული 100 და მეტი წლის ასაკს გადაცილებული ხანდაზმულების ერთჯერადი დახმარება 1000 ლარის ოდენობით. პროგრამით ისარგებლა 1 ბენეფიციარმა. პროგრამიდან გახარჯულია 1000 ლარი.

15. მედიკამენტების შეძენაზე დახმარების პროგრამა. პროგრამის ბიუჯეტი განისაზღვრა 15000 ლარით. ლანჩხუთის მუნიციპალიტეტის ტერიტორიაზე რეგისტრირებული მოქალაქეების წლის განმავლობაში ერთჯერადად მედიკამენტების შეძენაზე დახმარება კერძოდ: ონკოდაავადებულთა და ლეიკემიით დაავადებულთა მედიკამენტების შეძენაზე დახმარება არაუმეტეს (300 ლარისა), მძიმე კარდიოლოგიური(მიოკარდიუმის ინფარქტი), ნევროლოგიური(იშემიური და ჰემორაგიული ინსულტი) და რევმატოლოგიური (რევმატოლოგიური ართრიტი; წითელი მგლურა)დაავადების მქონე ბენეფიციარების მედიკამენტების შეძენაზე დახმარება არაუმეტეს 150 ლარისა. პროგრამით სარგებლობენ ბენეფიციარები, რომელთა ოჯახის სოციალური სარეიტინგო ქულა 65001-დან არ აღემატება 150 000-ს. (ომის ვეტერანები თავისუფლდებიან სარეიტინგო ქულის წარმოდგენისაგან).. პროგრამით ისარგებლა 73 ბენეფიციარმა. პროგრამიდან გახარჯულია 11964 ლარი. ვალდებულება აღებულია 1085 (ერთიათასოთხმეცდახუთი) ლარზე.

16. შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა. პროგრამის ბიუჯეტი განისაზღვრა 16 000 ლარი, ლარით. პროგრამის მიზანია ლანჩხუთის მუნიციპალიტეტის ტერიტორიაზე რეგისტრირებული 0- დან 18 წლამდე შშმ პირის სტატუსის მქონე ბენეფიციართა სარეაბილიტაციო კურსის დაფინანსება ურევში. პროგრამით ისარგებლა 8 ბენეფიციარმა. პროგრამიდან გახარჯულია 6000 ლარი.

17. ბავშვთა ადრეული განვითარების ხელშეწყობისა და ბავშვთა რეაბილიტაცია/ აბილიტაციის ქვეპროგრამით მოსაგებლე შშმ ბავშვების და მათი თანმხლები პირების ტრანსპორტირების დაფინანსების პროგრამა. პროგრამის ბიუჯეტი განისაზღვრა 25 000 ლარი ლარით. ქვეყანაში არსებული კოვიდ 19 პანდემიის გამო ხელი შეეშალა ზემოაღნიშნული სახელმწიფო პროგრამების განხორციელებას რის გამოც პროგრამით ისარგებლა 9 ბენეფიციარმა. პროგრამიდან დაფინანსდა ასევე სპეციალისტთა ტრანსპორტირების ხარჯი. პროგრამიდან გახარჯულია 10590 ლარი.

18. გენდერული თანასწორობის უზრუნველყოფისა და ოჯახში ძალადობის აღმოფხვრის ხელშეწყობა. მიერ. პროგრამის ბიუჯეტია 3000 ლარი. თანხა გაიცემა მუნიციპალიტეტის მერის ინდივიდუალური ადმინისტრაციულსამართლებრივი აქტის საფუძველზე, თითოეულ ბენეფიციარზე დადგენილი საჭიროებებიდან გამომდინარე, ერთჯერადი ფულადი დახმარების სახით 1000 (ათასი) ლარამდე. პროგრამიდან გახარჯულია 0 ლარი, ბენეფიციარი - 0.

19. სახელმწიფო ზრუნვის სისტემიდან გასული ახალგაზრდების დახმარების პროგრამა. პროგრამის ბიუჯეტია 6000 ლარი, პროგრამა ითვალისწინებს ლანჩხუთის მუნიციპალიტეტის ტერიტორიაზე რეგისტრირებულ სახელმწიფო ზრუნვის პროგრამიდან გასული 18-დან 24 წლამდე ახალგაზრდების ფინანსური დახმარებას. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს გურიის სამხარეო ცენტრის ლანჩხუთის რაიონული განყოფილების მიერ მოწოდებული ინფორმაციის საფუძველზე, ახალგაზრდების საჭიროებების გათვალისწინებით, მოხდება ოჯახზე ერთჯერადი ფინანსური დახმარების გაცემა პროგრამიდან გახარჯულია 2000 ლარი. პროგრამით ისარგებლა 4 ბენეფიციარმა.

20. მინდობით აღზრდაში განთავსებულ ბავშვებს, რომელთა რეინტეგრაცია-ბიოლოგიურ ოჯახში დაბრუნება განხორციელდება ერთჯერადი ფინანსური დახმარების პროგრამა. პროგრამის ბიუჯეტია 2000 ლარი. პროგრამით ისარგებლა 3 ბენეფიციარმა. პროგრამიდან გახარჯულია 2000 ლარი.

21. 0-დან 18 წლამდე დედამათ ობოლი ბავშვებს და შშმ ბავშვებს რომელიც არის ობოლი ერთჯერადი სოციალური (ფულადი) დახმარების პროგრამა. პროგრამის ბიუჯეტი განისაზღვრა 2000 ლარი, ლანჩხუთის მუნიციპალიტეტის ტერიტორიაზე რეგისტრირებულ 0- დან 18 წლამდე დედამათ ობოლი ბავშვებს და შშმ ბავშვებს რომელიც არის ობოლი წლის განმავლობაში ერთჯერადად გაეწევა ფინანსური დახმარება თითოეულ ბავშვზე 300 ლარის ოდენობით პროგრამით ისარგებლა 4 ბენეფიციარმა პროგრამიდან გახარჯულია 1200 ლარი.

22. ცელიაკით დაავადებულითა (18 წლამდე ასაკის) კვებითი დანამატებით უზრუნველყოფის პროგრამა. პროგრამის ბიუჯეტი 3000 ლარი, დახმარება გაეწევათ ყოველთვიურად თვეში არაუმეტეს 250 (ორასორმოცდაათი) ლარისა. პროგრამით სარგებლობს 1 ბენეფიციარი. პროგრამიდან გახარჯულია 2000 ლარი.

23. აუტისტური სპექტრის მქონე ბავშვთა სარებილიტაციო კურსის დაფინანსების პროგრამა. პროგრამის ბიუჯეტი 30 000 ლარი. პროგრამის ხარჯი 1 თვე 400 ლარი. პროგრამიდან გახარჯულია 5260 ლარი. პროგრამით საეგებლობს 5 ბენეფიციარი.

24. კოვიდ 19-ით გარდაცვლილ მიცვალებულთა სარიტუალო მომსახურების პროგრამა პროგრამის ბიუჯეტი 3000 ლარი. პროგრამიდან გახარჯულია 0 ლარი. ბენეფიციარი - 0.

25. კოვიდ 19-ით ინფიცირებულთა და მასთან კონტაქტში მყოფ პირთა ტრანსპორტირებით დახმარების პროგრამა. პროგრამით ისარგებლა 290 ბენეფიციარმა. პროგრამიდან გაარჯულია 19453 ლარი.

ლანჩხუთის მუნიციპალიტეტის მერიის სოციალური და ჯანდაცვის სამსახურის ბავშვთა უფლებების დაცვისა და მხარდაჭერის განყოფილების მიერ დამუშავდა ინფორმაცია ლანჩხუთის მუნიციპალიტეტში კრიზისულ მდგომარეობაში მყოფი ბავშვიანი ოჯახების შესახებ და სოციალურად დაუცველი მრავალშვილიანი ოჯახების შესახებ. განათლების და მეცნიერების სამინისტროს წერილის საფუძველზე, მოწოდებული სიის თანახმად, ჩატარდა მონიტორინგი მუნიციპალიტეტში რეგისტრირებულ ბავშვებზე, რომლებიც დარჩენილნი არიან განათლების მიღება. ლანჩხუთის მუნიციპალიტეტის მერიის სოციალური და ჯანდაცვის სამსახურის ბავშვთა უფლებების დაცვისა და მხარდაჭერი განყოფილებას ადმინისტრაციული წარმოება დაწყებული აქვს სამ განცხადებაზე. ადმინისტრაციული წარმოების ფარგლებში ორი ბენეფიციარის ოჯახს გაეწია დამარება ლანჩხუთის მუნიციპალიტეტის მერიაში არსებული სოციალური პროგრამების ფარგლებით.

ეკონომიკისა და ქონების მართვის სამსახურის 2021 წლის 9 თვის განმავლობაში საპრივატიზაციოდ წარდგენილ იქნა 17 ერთეული ქონება, რაზედაც ელექტრონული აუქციონი იყო გამოცხადებული. მუნიციპალური ქონების პრივატიზებიდან 2021 წლის 9 თვეში ადგილობრივ ბიუჯეტში 347 668 ლარია შემოსული, მათ შორის შენობა-ნაგებობების გაყიდვიდან 108 192 ლარი და მიწების გაყიდვიდან 239 476 ლარი. მუნიციპალური ქონების იჯარიდან შემოსულია 25 570 ლარი. სისტემატიურად მიმდინარეობს მუნიციპალური ქონების სარგებლობის უფლების (უზურფრუქტის) ფორმით გაცემის შესახებ წინადადებების განხილვა და შესაბამისი დოკუმენტაციის გაფორმება. 2020 წელს 19 ერთეულ მუნიციპალურ უძრავ ქონებაზე გაფორმდა სარგებლობის ხელშეკრულებები.

ეკონომიკისა და ქონების მართვის სამსახურის, ტურიზმის განყოფილების მიერ 2021 წლის განმავლობაში „2020-2022 წლების საპილოტე რეგიონების ინტეგრირებული განვითარების პროგრამის“ (შემდგომში - სრიკპ) ფარგლებში მომზადებული იქნა ორი საპროექტო განაცხადი: 1) ლანჩხუთის მუნიციპალიტეტის სოფელ ორაგვეში ტურისტული ინფრასტრუქტურის მოწყობა და მისასვლელი გზის რეაბილიტაცია ადგილობრივი ბიზნესის სტიმულირების მიზნით.“ პროექტის ფარგლებში განხორციელდება შემდეგი სამუშაოები სოფელ ორაგვესთან მისასვლელი 4,3 კმ გზის მოასფალტება, მოეწყობა საჭირო ხელოვნური ნაგებობები, ეშკანის კანიონთან მოეწყობა დასასვენებელი, საპარკინგე და საპიკნიკე ადგილები. სოფელში არსებულ მე-7 საუკუნის გამოქვაბულთან გაკეთდება მისასვლელი 0,5 კმ საფეხმავლო და 0,5 კმ ველობილიკი. საპროექტო წინადადება განხილული და მოწონებულია სამხარეო საბჭოს მიერ და წარდგენილია საქართველოს მთავრობაში თანხის განმოყოფის მიზნით. პროექტის განხორციელება დაიწყება ნოემბრის თვეში და დასრულდება 2022 წლის ივნისში. 2) ლანჩხუთის მუნიციპალიტეტის სოფელ ჩიბათში, კოლხეთის ეროვნულ პარკთან მისასვლელი გზის რეაბილიტაცია, ტურისტული ინფრასტრუქტურის მოწყობა და ელექტროფიცირება მუნიციპალიტეტის ტურისტული პოტენციალის ამაღლებისა და ადგილობრივი ბიზნესის სტიმულირების მიზნით“. პროექტის ფარგლებში მოხდება ლანჩხუთის მუნიციპალიტეტის, სოფელ ჩიბათში კოლხეთის ეროვნულ პარკამდე მისასვლელი 9,923 კმ-იანი სრულად ამორტიზებული გზის რეაბილიტაცია: გადახვნა, მოხრეშვა, დაგრეიდერება. საჭირო ადგილებზე მოეწყობა სანიაღვრე არხები და სხვა ხელოვნური ნაგებობები. თვითმყოფადობის შენარჩუნების მიზნით გზაზე მიზანშეწონილი არ არის ხელოვნური საფარის მოწყობა. მდინარე ფიხორის ნაპირზე მოეწყობა ნავმისადგომი, სველი წერტილი. საპიკნიკე და საპარკინგე ადგილები. ადგილები სპორტული თევზჭერისთვის, ადგილობრივი ნაწარმის გასაყიდი დახლები. განხორციელდება ტურისტული ცენტრის ელექტროფიცირება, სამხარეო საბჭოს მიერ მოწონებულია საპროექტო იდეა. მოსაწონებლად წარდგენილია სრული საპროექტო განაცხადი.

სამუშაოები დაიწყება დეკემბრის თვეში და დასრულდება 2022 წლის აგვისტოში. ამჟამად განყოფილების მიერ მიმდინარეობს სოფელ ორაგვეში გადმოსახედისა და ეგრეთ წოდებული ზიპლანის მოწყობის საპროექტო განაცხადზე მუშაობა. 2021 წლის ივლისში მუნიციპალიტეტის ტერიტორიაზე, კულტურულ-ისტორიული და ბუნების ძეგლების ლოკაციებზე განხორციელდა პროექტი „ვირტუალური გიდები“. აღნიშნული გადაღებები მიმდინარეობდა საქართველოს ადგილობრივი თვითმართველობათა ეროვნული ასოციაციის ორგანიზებით, პროექტის „მწვანე ტურიზმი და ისტორიული მემკვიდრეობა შავი ზღვის განვითარების საფუძვლები“ ფარგლებში. 2021 წლის ივნისში დასრულდა პროექტი „ლანჩხუთის მუნიციპალიტეტის სამუშაო მთიანი თემების ეკონომიკის გაძლიერებისთვის“ აღნიშნული პროექტის ფარგლებში სოფელ აცანაში „ელინაბადოს ხანჩქერთან“ მოწყობა საპიკნიკე ადგილები, სველი წერტილი, ღია ტიპის დახლმაკვიდები და „გურული სამზადი“. სოფელ ორაგვეში ორკარის კანიონთან მოწყობა საპიკნიკე ადგილები, და სველი წერტილი, ამავე პროგრამით ასევე შექმნილია რაფტინგის ნავები სრული აღჭურვილობით, რომლითაც შესაძლებელია მდინარე სუფსაზე ექსტრემალური და სანაოსნო ტურების განხორციელება. პროფესიონალი ინსტრუქტორების მიერ მოხდა ადგილობრივი ახალგაზრდა ინსტრუქტორების გადამზადება. 2021 წლის აგვისტოში შეიქმნა სოციალურ სივრცეში ტურისტული გვერდი „აღმოაჩინე ტურისტული ლანჩხუთი“, სადაც განთავსებულია მუნიციპალიტეტის ტერიტორიაზე არსებული ყველა ტურისტული ლოკაციის ფოტომასალა და აღწერილობითი ინფორმაცია. აგრეთვე აგროტურისტულ ობიექტებზე საჭირო ინფორმაცია და ტურის პაკეტები. ლანჩხუთის მუნიციპალიტეტის ტურიზმის და კულტურის განყოფილებები ერთობლივად მონაწილეობენ პოლონელების მიერ წარმოდგენილ პროექტში „ტურისტული ბრენდი-ტურიზმის გაძლიერების შესაძლებლობები გურიაში. ევროერეგირონ-ის გამოცდილებით“ პროექტის ბრენდინგის სახელწოდებაა „რა ყოფილა გურია“, რაც ითვალისწინებს სამივე მუნიციპალიტეტის ჩართულობას. 2021 წლის 15 ივლისს მონაწილეობა მივიღეთ „წვერმაღალას პარკში“ გამართულ აგროტურისტულ ფესტივალზე „ჩაის გზა“. წარმოდგენილი იყო ადგილობრივი პროდუქცია გამოფენა-გაყიდვა, სადაც მონაწილეობდნენ ადგილობრივი მეწარმეები, ფერმერები, აგროტურიზმით დაინტერესებული ჯგუფები.

იურიდიული სამსახური ლანჩხუთის მუნიციპალიტეტის მერიის იურიდიული სამსახურს 2021 წლის 9 თვის განმავლობაში შესასრულებლად დაეწერა სხვადასხვა შინაარსის 171 სამსახურებრივი და 79 შემოსული კორესპოდენცია, რომელთა შესრულების მიზნით სამსახურის მიერ მომზადდა: მერიის სტრუქტურულ ერთეულებსა და მოქალაქეების მომართვებზე 95 პასუხი. მერიის ბრძანების 175 პროექტი; უნებართვო მშენებლობის წარმოებისათვის სუბიექტის დაჯარიმების თაობაზე მერიის დადგენილების 4 პროექტი. მერიის ბრძანების საფუძველზე სამსახურმა განიხილა შპს ავერსი ფარმას ადმინისტრაციული საჩივარი და მოამზადა დასკვნა; ასევე სასამართლო გადაწყვეტილების საფუძველზე სამსახურის მიერ ჩატარდა ადმინისტრაციული წარმოება მოქალაქის განცხადების დაკმაყოფილების საკითხის გადაწყვეტასთან დაკავშირებით და მომზადდა შესაბამისი გადაწყვეტილება. საკრებულოში დასამტკიცებლად წარსადგენი 20 პროექტი; საგარანტიო ვადის განმავლობაში, ობიექტის ექსპლუატაციის პროცესში გამოვლენილი ხარვეზების გამოსწორების თაობაზე შემსრულებლის წერილობითი გაფრთხილების შესახებ მერიის მიერ გასაგზავნი 9 წერილი. გარდა ამისა, სამართლებრივი გამართულობის თვალსაზრისით შესწავლილი და სამსახურის უფროსის მიერ ვიზირებულია მერიის სტრუქტურული ერთეულების მიერ მომზადებული 179 ინდივიდუალური ადმინისტრაციული სამართლებრივი აქტი. სამსახურის თანამშრომლები ჩართული არიან სხვადასხვა კომისიებისა და სამუშაო ჯგუფების საქმიანობაში, სადაც ასრულებენ სამსახურის დებულებითა და მოქმედი კანონმდებლობით განსაზღვრულ უფლება-მოვალეობებს.

ადმინისტრაციული და შესყიდვების სამსახურმა საანგარიშო პერიოდში უზრუნველყო ადგილობრივი თვითმმართველი ერთეულის ადმინისტრაციული ერთეულის წარმომადგენლებისათვის შესაბამისი პირობების შექმნა, გაუწია სხვადასხვა სახის კონსულტაციები. სამსახურის მიერ გაცემულია 49-ცნობა; მერიის მიერ გამოცემული ბრძანების დელეგირების თაობაზე შესაბამისად ადმინისტრაციული სამსახურის მიერ მზადდებოდა სხვადასხვა სახის წერილები; სულ 1405 წერილი და 100-მდე კორესპოდენცია. საკრებულოდან შემოსულ დოკუმენტებსა და საკრებულოს დეპუტატების მიერ გამოთქმულ შენიშვნებსა და წინადადებებზე ადრესატამდე მიტანას კონტროლს უწევდა ადმინისტრაციული და შესყიდვების სამსახური.

ლანჩხუთის მუნიციპალიტეტის მერმა, ალექსანდრე სარიშვილმა აღნიშნა, რომ მიმდინარე წელი საკმაოდ რთული და გამოწვევებით სავსე წელი იყო მუნიციპალიტეტისათვის, იგულისხმება კოვიდ19-ის პანდემია, რომელმაც მსოფლიო მასშტაბით შეცვალა არსებული რეალობა და საკრებულოს წევრებს დროული ვაქცინაციისკენ მოუწოდა. მუნიციპალიტეტის მერმა დადებითად შეაფასა მიმდინარე წლის 9 თვის ანგარიში, რადგან პანდემიის მიუხედავად მუნიციპალიტეტში ბევრი

მნიშვნელოვანი პროექტი განხორციელდა, სასიკეთო ცვლილებები თითქმის ყველა სფეროს შეეხო, მაქსიმალურად შეეცადნენ მოსახლეობისათვის მნიშვნელოვანი პროექტები არ შეფერხებულიყო. ასევე მუნიციპალიტეტში ყოველგვარი ხმაურის და დარღვევების გარეშე კანონის სრულ შესაბამისობაში ჩატარდა ადგილობრივი თვითმმართველობის არჩევნები. რითაც კიდევ ერთხელ დაამტკიცეს დემოკრატიული განვითარებისათვის მზაობა და უკეთესი სვალინდელი დღისადმი სწრაფვა. მისი თქმით, ნებისმიერი პროექტის განხორციელებისას პრიორიტეტულია მოსახლეობის აზრის გათვალისწინება და პრობლემები უნდა მოგვარდეს მათი აზრის, არსებული რეალობის და ფინანსური მდგომარეობის გათვალისწინებით.

საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარემ **გიორგი ჩახვაძემ** აღნიშნა, რომ ბოლო ათი წლის მანძილზე არაერთხელ დააყენა საკითხი სოფელ ჩიბათში საჯარო სკოლისთვის სპორტული დარბაზის ან ღია მოედნის მოწყობის თაობაზე, მაგრამ მიუხედავად მისი ძალისხმევით, ეს პრობლემა დღემდე მოუგვარებელია, რის გამოც ფიზიკური აღზრდის გაკვეთილები ტარდება საკლასო ოთახებში. მან ასევე უკმაყოფილება გამოთქვა იმის თაობაზე, რომ ჩიბათის ადმინისტრაციულ ერთეულში მოუწესრიგებელია შიდა გზები და არ არის ევროპული სტანდარტების მქონე საბავშვო ბაღი. დეპუტატი მიესალმება იმას, რომ მუნიციპალიტეტის ზოგიერთ ადმინისტრაციულ ერთეულში გაკეთდა ბაღები და სკოლები თანამედროვე სტანდარტებით და იმედს იტოვებს, რომ სასიკეთო ცვლილებები შეეხება ჩიბათის ადმინისტრაციულ ერთეულსაც.

მუნიციპალიტეტის მერმა, **ალექსანდრე სარიშვილმა** აღნიშნა, რომ რეგიონული განვითარების პროგრამის ფარგლებში მუნიციპალიტეტი გეგმავს დახმარება გაუწიოს ისეთ სკოლებს, სადაც მოსწავლეთა ყოფნა არის გაუსაძლისი და შეუძლებელი, ხოლო სპორტული დარბაზის მოწყობის მიზნით უნდა მიმართონ განათლებისა და მეცნიერების სამინისტროს, რომელიც იმედია, გაითვალისწინებს მოთხოვნას. მან იქვე განმარტა, რომ ჩიბათის ბაღის შენობა ძალიან დიდია, მის რეაბილიტაციაზე ყოველწლიურად იხარჯება გარკვეული თანხა როგორც ცენტრალური, ასევე მუნიციპალიტეტის ბიუჯეტიდან. ბაღი ამჟამად თავისი კონსტრუქციის მიხედვით შეესაბამება სტანდარტებს და საბოლოოდ დასრულდება მისი მშენებლობა. რაც შეეხება შიდა გზებს, ამ კუთხით მუნიციპალიტეტის ყველა ადმინისტრაციულ ერთეულში არის პრობლემა, უკვე დაწყებულია ზემო ჩიბათის გზის რეაბილიტაცია და მიმდინარე წელს კიდევ დაემატება გარკვეული მონაკვეთი. ინფრასტრუქტურის კუთხით რეგიონალური განვითარების ფონდიდან და სხვადასხვა პროექტებიდან მიღებული იყო ექვს მილიონ ლარამდე. ჯერჯერობით ათვისებულია ამ თანხის 80%, წლის ბოლომდე ამ თანხის ათვისებას პრობლემა არ შეექმნება და ეტაპობრივად ყველგან მოგვარდება ეს საკითხი.

მუნიციპალიტეტის მერმა ასევე აღნიშნა, რომ ჩიბათის ადმინისტრაციულ ერთეულში ტურიზმის კუთხით 1700000 ლარი იხარჯება, რაც დამატებით შემოსავალს მოუტანს ადგილობრივ ბიუჯეტს.

საკრებულოს წევრმა **ელისო ჭიჭინაძემ** ლესის ადმინისტრაციულ ერთეულში, მეწყერსაშიშო ზონაში მცხოვრები ადამიანების სახელით მადლობა გადაუხადა მუნიციპალიტეტის მერს და საკრებულოს თავმჯდომარეს, რათა მათი ძალისხმევით და ლტოლვილთა და განსახლების სამინისტროს დახმარებით საცხოვრებელი სახლი შეუძინეს ამ ადამიანებს. მან ასევე ითხოვა ლესის ადმინისტრაციულ ერთეულში შიდა გზების მოწესრიგება და საექიმო უბნის მოწყობა.

მუნიციპალიტეტის მერმა, **ალექსანდრე სარიშვილმა** აღნიშნა, რომ მუნიციპალიტეტის მასშტაბით საკმაოდ მოიმატა მეწყერების რაოდენობამ. ამ მიმართულებით ინტენსიურად მუშაობენ გეოლოგები, ლტოლვილთა და განსახლების სამინისტრო და მიმდინარე წელს 21 ოჯახი დააფინანსეს. ამასთან გაიზარდა დაფინანსების თანხაც. რაც შეეხება საექიმო უბანს, ამჟამად კერძო ბიზნესმენის ხელშეწყობით თანამედროვე სტანდარტების უბანი კეთდება ჯურუყვეთში. ლესაში და კიდევ რამდენიმე სოფელში აუცილებლად გასაკეთებელია თანამედროვე სტანდარტების შესაბამისი საექიმო უბანი, რაც კოვიდპანდემიამ უფრო ცხადყო.

საკრებულოს წევრმა **დავით ჩხარტიშვილმა** მადლობა გადაუხადა მუნიციპალიტეტის მერს მისი დეპუტატობის პერიოდში ნინოშვილის ადმინისტრაციულ ერთეულში არსებული პრობლემების შეძლებისდაგვარად მოგვარებისათვის და ითხოვა, რომ ნინოშვილში თუ ახალი საექიმო უბანი ვერ გაკეთდება, ძველი მაინც გარემონტდეს.

საკრებულოს საფინანსო-საბიუჯეტო კომისიის თავმჯდომარემ **ალექსანდრე მახათაძემ** აღნიშნა, რომ წელს იყო პირველი პრეცედენტი გარკვეული ინფრასტრუქტურული პროექტების ადგილობრივი შემოსავლებიდან დაფინანსების, რაც მისასალმებელია. მან

იმედი გამოთქვა, რომ მომავალში იქნება შემოსავლები, რაც ხელს შეუწყობს მსგავსი პროექტების განხორციელებას. მან ასევე ითხოვა დახმარება ჯურუყვეთის საბავშვო ბაღისთვის სახანძრო კიბის გაკეთების და ჯურუყვეთის საჯარო სკოლის სარეაბილიტაციო პროგრამაში ჩასმის თაობაზე.

მუნიციპალიტეტის მერმა, **ალექსანდრე სარიშვილმა** აღნიშნა, რომ საჯარო სკოლების რეაბილიტაცია არის განათლებისა და მეცნიერების სამინისტროს პრეოცედივია, ხოლო ჯურუყვეთის საბავშვო ბაღთან დაკავშირებით მისთვის ცნობილი იყო პრობლემა ღობესთან დაკავშირებით, რომელიც გვარდება და კიბის საკითხსაც აუცილებლად განიხილავს.

საკრებულოს თავმჯდომარემ **ბესიკ ტაბიძემ** აღნიშნა, რომ ნიგვზიანის ადმინისტრაციული ერთეულის სამ სოფელში მოსავარებელია წყალმომარაგების საკითხი. ასევე, წიაღობანსა და ჯიხანჯირში წამოსულია მეწყერი და რამდენიმე ოჯახი ფაქტიურად დარჩენილია საცხოვრებელი სახლის გარეშე, ამიტომ იმ უახლოეს პერიოდში აუცილებლად უნდა მოვიდნენ ადგილზე გეოლოგები და შეისწავლონ სიტუაცია.

მუნიციპალიტეტის მერმა, **ალექსანდრე სარიშვილმა** განმარტა, რომ სტიქიურ მოვლენებთან დაკავშირებით გეოლოგები მოწვეული იყვნენ რამდენიმეჯერ და მომავალ კვირაში კიდევ ჩამოვლენ. დახმარების საჭიროების მქონე ოჯახების საჭირო დოკუმენტაცია უნდა იდოს შესაბამის სამსახურებში, რათა დროულად მოხდეს მათი აღრიცხვა და დახმარება. მერის განმარტებით, ნიგვზიანის სამ სოფელთან ერთად კიდევ დაჩენილია რამდენიმე სოფელი წყალმომარაგების გარეშე და ეს პრობლემაც აუცილებლად იქნება მოგვარებული გაერთიანებული წყალმომარაგების კომპანიის მიერ მას შემდეგ, რაც დასრულდება თერთმეტ სოფელში დაწყებული პროექტები.

საკრებულოს წევრი **აკაკი იმნაიშვილი** დაინტერესდა, როდის მოგვარდება შუხუთის ადმინისტრაციულ ერთეულში, ქალაქის მოსაზღვრედ მდებარე რამდენიმე ოჯახის და საბავშვო ბაღის დაერთება ცენტრალურ მაგისტრალზე გაერთიანებული წყალმომარაგების კომპანიის მიერ. ასევე, შუხუთის საჯარო სკოლის რეაბილიტაციის საკითხი და აცანა-შუხუთის ადმინისტრაციული საზღვრის დადგენა.

მუნიციპალიტეტის მერმა, **ალექსანდრე სარიშვილმა** განმარტა, რომ რაგბის ფედერაციიდან ჩამოსული იყვნენ წარმომადგენლები. მათთან ერთად დაათვალიერეს შუხუთის სკოლის მიმდებარე ეზოს ტერიტორია, სადაც შესაძლებელია გაკეთდეს თანამედროვე სტანდარტების შესაბამისი რაგბის სტადიონი და იქვე მოეწყოს ლელოს მუზეუმიც, რადგან ლელო მოიაზრება, როგორც რაგბის საწყისი. მერის თქმით, ტერიტორია მოწონებული იქნა ფედერაციის წარმომადგენლების მიერ და უახლოეს პერიოდში იტყვიან საბოლოო პასუხს. ამასთან აღნიშნა, რომ შუხუთის საჯარო სკოლა ნამდვილად ავარიულ მდგომარეობაშია და უმოკლეს ვადაში საჭიროებს რეაბილიტაციას. რაც შეეხება წყალმომარაგების საკითხს, ეს არაერთხელ იქნა განხილული გაერთიანებული წყალმომარაგების კომპანიასთან ერთად, რომლის წარმომადგენლები უახლოეს მომავალში აპირებენ ჩამოსვლას, აუცილებლად საკრებულოს წევრთან ერთად გაივლიან ამ საკითხს. აცანა-შუხუთის ადმინისტრაციული საზღვრის დადგენასთან დაკავშირებით საჭიროა მერიის შესაბამის სამსახურში იყოს შემოტანილი განცხადება, რის შემდეგაც რეაგირებისთვის მიემართება საავტომობილო გზების დეპარტამენტს, რომელიც შეისწავლის პრობლემას და მიღებული იქნება საბოლოო გადაწყვეტილება.

საკრებულოს თავმჯდომარემ **ბესიკ ტაბიძემ** მაღლობა გადაუხადა მუნიციპალიტეტის მერს, **ალექსანდრე სარიშვილს** და უსურვა წარმატებები შემდგომ საქმიანობაში, რასაც დაეთანხმნენ საკრებულოს წევრები.

საკრებულოს წევრების მიერ ლანჩხუთის მუნიციპალიტეტის მერიის 2021 წლის 9 თვის მუშაობის ანგარიში ცნობად იქნა მიღებული.

ამით საკრებულოს რიგგარეშე სხდომამ მუშაობა დაასრულა.

ბესიკ ტაბიძე

ლანჩხუთის მუნიციპალიტეტის საკრებულო-საკრებულოს თავმჯდომარე




გამოყენებულია კვალიფიციური ელექტრონული ხელმოწერა/ ელექტრონული შტამპი



ლანჩხუთის მუნიციპალიტეტის საკრებულოს რიგგარეშე სხდომაზე დეპუტატთა
დასწრების სარეგისტრაციო ფურცელი

4 ნოემბერი 2021 წელი
11.00 საათი

№	სახელი, გვარი	გამოცხადების დრო	ხელმოწერა
1	ბესიკ ტაბიძე	10:00	
2	ვლადიმერ ნანაძე	10:55	
3	ვერიკო კვიციანი	10:58	
4	ალექსანდრე მახათაძე	10:55	
5	გიორგი ჩახვაძე	10:55	
6	გიორგი გვარჯალაძე	10:58	
7	ემზარ თევდორაძე		
8	ბესიკ კუპრაძე		
9	გოგი მორჩილაძე		
10	სპარტაკ კვაჭაძე	10-57	
11	ლელა ჩახვაძე		
12	ზაზა წულაძე	10:50	
13	კახა ბოლქვაძე	10:57	
14	ციცინო ჩხაიძე	10:52	
15	კარლო კვიციანი	10:55	
16	ზურაბ კუკულავა		
17	ოთარ პატიეშვილი		
18	ირაკლი მარშანიშვილი		
19	იოსებ ჩხაიძე	10:50	
20	ელისო ჭიჭინაძე	10:50	
21	ამირან ქანთარია		
22	დავით ჩხარტიშვილი	10-55	
23	აკაკი იმნაიშვილი	11:42	

24	ზაალ სანაძე	10 55	
25	რევაზ კვერენჯილაძე		
26	კახაბერ ასკურავა		
27	ამირან გიგინეიშვილი		
28	ცისანა ურუშაძე		
29	გოდერძი ქურიძე		
30	კახა თედორაძე	10 55	
31	რეზო კვაჭაძე	10 55	
32	ვენე კვიციანი	10 55	3. 27